



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

de calumnia & detractone. ca. 30.

urn:nbn:de:hbz:466:1-35578

De charitate Liber VII. 525.

benedicere solemus, dum illos ab ignorantia tenebris ad lucem veritatis reuocari cupimus & precamur. Maledictio vero quæ illis infertur, qui maledicendi non sunt, plerumque diaboli suggestione fit. Et tunc quidem imitandus nobis erit Balaam ariolus, qui (vt in Numeris legitur) a Balach Moabitarum rege conductus, vt malediceret Israelitis. Et econtrario a domino iussus vt benediceret, maluit deo quam regi obtemperare, atque pro maledictione intulit benedictionem. Amalech deuorans interpretatur, eumque designat, qui deuorare animas hominum concupiscit. Sed qui Balaam est, deprehensus inimici dolis, magis quæret benedicendo obsequi deo, quàm maledicendo diabolo. Qui enim obsequetur deo, merebitur premium, qui diabolo, supplicium.

Balaam/
Nume. 22.

De calumnia & detractione.

Cap. XXX.

Ad hæc, quoniam omnis offensa quam per lingue intemperantiam alicui irrogamus, maledictum dici potest, etiam ille qui conuitiatur, qui que famam carpit aliorum, non minus maledicus est, quàm qui deuoratione aliquem damnat. Conuitiis autem contendere atque rixari, insanire est, dicente Salomone, Omnes stulti miscentur contumeliis. Et iterum, Labia stulti miscēt se rixis, & os eius iurgia prouocat. Tales qui prope clementissimum dominum ad iracundiam prouocāt, hisque per Sophoniam prophetam minatur dicens, Audiui opprobrium Moab, & blasphemias filiorum Ammon quæ exprobrauerūt populo meo, & magnificati sunt super terminos eorum. Propterea viuo ego dicit dominus exercituum, deus Israel, quia Moab & Sodoma erit, & filii Ammon quasi Gomorrha. Ad inferos ergo præcipites delabentur Sodoma & Gomorrhæ vrbium instar, quæ linguam a contumelia probroque non coercent. Nam hoc quoque illorum vitium est, quod tam impatientes ad ferendam contumeliam sint, quam auidi ad inferendam. Gaudent insilire dorsis aliorum, suo autem velut in do-

Prou. 20.

Soph. 2.

miti equi neminem admittunt. atque hæc ferme natura contumeliosorum est. Eadem ratio detractorum habet, nisi quod minus ei creditur quod iratus opprobret, quam qui odium celans de moribus pronunciat alienis, ut quem ipse insectatur, alijs quod dissimulata inimicitia facilius odibile redat. Sed videamus qualiter & hi a domino plectantur. Maria, quoniam Moysen probro taxauerat, lepra perfunditur, & extra castra propellitur, illis etiam qui de populo ipsum contumaciter offenderant, denegatum fuit terram ingredi promissionis. Ex quo apparet, detractores ab ecclesie communionem alienandos, & promissam fidelibus paradisi regionem non ingressuros, nisi ad poenitentiam conuersi sese correxerint. De isto hominum genere Psalmista ait: Exacuerunt ut gladium linguas suas, intenderunt arcum, rem amaram, ut sagittent in occultis immaculatum. quibus & imprecatur, dicens: Muta fiant labia dolosa, quæ loquuntur aduersus iustum in superbia & abusione. Quin etiam ipse dominus minacibus admodum verbis aggreditur detractorem, dicens: Os tuum abundauit malitia, & lingua tua concinnabat dolos. Sedens aduersus fratrem tuum loquebaris, & aduersus filium matris tuæ ponebas scandalum. Hæc fecisti, & tacuisti. existimasti inique quod ero tui similis? arguam te, & statuam illa contra faciem tuam. Et quoniam nihil terribilius est, quam incidere in manus furentis domini, subdit propheta & ait: Intelligite nunc hæc qui obliuiscimini deum ne quando rapiat & non sit qui eripiat, Et paulo post, Deus conteret (inquit) dentes eorum in ore eorum, molas leonum confringet dominus. Quorum dentes? quorum leonum molas? illorum utique de quibus alibi ait, Filij hominum dentes eorum arina & sagitte, & lingua eorum gladius acutus. & alibi, Accuerunt (inquit) linguas suas sicut serpentes, venenum aspidum sub labijs eorum. Quos etiam damnandos declarat, dicens, Caput circuitus eorum, labor labiorum ipsorum operiet eos, cadent super eos carbones, in ignem detices eos, in miserijs non subsistent. Per carbones & ignem & miserijs, poenæ designantur inferni, cæte-

Num. 12.

Num. 14.

Psal. 63.

Psal. 57.

Psal. 56.

Psal. 13.

ris atrociores, quales reor & ille diues patiebatur, totus quidem ardens, linguæ tamen magis sentiens ardorem. quam solam refrigerari frustra petit, ex quo apparet quam graue peccatum sit detractio, quæ talem meretur animaduersionem. Quod si melius est (vt Salomon ait) bonum nomen quam diuitiæ multæ, nonne magis peccat qui famam aliorum praua suggillatione denigrare conatur, quam q̄ bona diripit, & innoxios exuit opibus. Vnde idem dicit: Cogitatio fulti, peccatum est, & abominatio, hominum detractor. Et hūc quidem ueluti pestem quandam nos fugere suadet, dicens: Cum detractoribus non commiscearis, quoniam (inquit) repente consurget perditio eorū, & ruinam vtriusq̄ quis nouit? Periculosa est enim cum peruersis conuersatio, ne ipse quoque peruertaris, & vna cum illis pereas. Nō solum ergo cauendos esse, sed etiam detestandos docet Dauid cum ait: Detrahentem secreto proximo suo hunc persequebar. Si quando in eiusmodi hominem incidere contigerit, non præstemus aures, ora auertamus, nō delectari nos, sed offendi suis sycophantiis malignus nūgator cognoscat, & pudore confusus obmutescet. Id q̄ Salomon testatur dicens: Ventus aquilo dissipat pluuias, & facies tristis linguam detrahentem.

Lucz. 16

Eccle. 7

Prouc. 24.

Ibidem

Psalm. 110

Prouc. 25.

De delatorum malignitate.

Caput. XXXI.

Delator etiam qui suis criminationibus discordias conserit, maledicitur in Ecclesiastico, vbi scriptum est, Sufurro & bilinguis maledictus. Multos enim turbauit pacem habentes. Et flagelli (inquit) plagiorem facit, plaga autem linguæ comminuet ossa Cui simile est illud Salomonis, Iaculū & gladius & sagitta acuta, homo qui loquitur contra proximum suum falsum testimonium. Delatorum enim ea quoq̄ malignitas est, vt vbi vera crimina quæ deferant, desunt, falsa confingant, & mentes nimis credulas mendacio peruertant, & vbi quietis ac pacis triticum satum est, superseminent zizania tumultus & dissensionis, & hi quidem

Eccle. 28.

Prouc. 28.